

師公較 gau5 和尚

老師上課的時，分享伊的見識：

有一 e5 名叫陳釋才的人，靠賣素食維持生活。閒的時，伊兼義務替人辦事，因為 in1 兜奉祀十幾尊神。

後來，陳釋才發覺家己的代誌都一拖拉庫矣，閣替人辦事，實在無意思。予伊收跋洗手的主因是，請神替人處理代誌，逐件都曷若有效、曷若無效；請神，神逐擺都曷若有來、曷若無來。伊懷疑家己、懷疑神，tshéh4 心規去將神尊攏請請走，專心事業和做好代。結果，毋但家己的身體好起來，家庭嘛和樂起來。

老師講到遮，這世人猶毋捌食過肉的阿榮 giah8 手問講：

「老師，陳釋才的釋，敢是釋迦摩尼佛的釋？」

好心的阿玲搶話應講：

「毋是啦，是釋放犯人的釋。」

老師一聽，「噗」一聲笑出來：

「師公較 gau5 和尚！今，釋放犯人的釋，和釋迦摩尼佛的釋，敢無攏全款，半斤就是八兩，師公無較 gau5 和尚啦。」

原來，師公較 gau5 和尚都是半斤八兩，都是差不多差不多，嘛都是客家人講的「phiang7phiang7」的意思。